

永樂北藏



永

樂

北

藏

趙樸初題



永樂北藏第二〇〇冊目錄

○佛祖統記 續前 (本冊卷第二十六至卷第五十四

○大明三藏聖教目錄 三卷 明雙徑山僧衆編……

南藏函號昆七—碣十一)

六八九

三祖南岳般若法師
四祖長安五會法師
五祖新定臺岩法師
六祖永明智覺法師
七祖昭慶圓淨法師

業之正因正觀之助行而但修十善行也仁
慈者亦可以成四向莊嚴之業然則若定若
散若智若愚無一揆之或處離登臺之有金
銀入品之有上下至於趣無生而附不退則
一榮云耳悠悠末代馮碩行而升安養自廬
山而末傳往生者纔三百人意遐方外域不

佛祖統紀卷第二十六

宋咸淳四明東湖沙門

志磐

昆七

淨土立教志第十二之一

蓮社七祖

始祖廬山辯覺正覺圓悟法師慧遠師道

二祖長安光明法師菩提化身

昆七

三祖南岳般舟法師永達

四祖長安五會法師法融善導

五祖新定臺岩法師少康

六祖永明智覺法師永壽

七祖昭慶圓淨法師省常

一明石芝曉法師所撰代同修淨衆所
應高成者士為七祖今故建之以為淨



永樂北藏

佛祖統紀

第二〇〇冊

土教門之
師法焉

在凡具惑而能用三觀智顯本性佛如四明
師之言曰心境叵得故染可觀淨不礙緣生
故想成相起唯色唯心故當處顯現斯觀佛
三昧之正訣唯明宗得意者能行之至若稱
唱嘉歸瞻禮尊容讀誦大乘持奉淨戒皆淨
業之正因正觀之助行而但修十善行也仁
慈者亦可以成回向莊嚴之蹟然則若定若
散若智若愚無一機之或遺雖登臺之有金
銀入品之有上下至於趣無生而階不退則
一榮云耳悠悠末代馮碩行而升安養自廬
山而來傳往生者纔三百人意遐方外域不

及知者奚若河沙之多是知此方學佛道者
緣疎障重未聞有成而獨於念佛之法無間
僧族皆足以取一生之證信矣哉撰淨土立
教志

法師慈遠姓賈氏廬門樓煩人幼而好學年
十三隨舅令狐氏遊學許洛博綜六經尤善
莊老宿儒先進莫不服其深致二十一欲度
江從學范甯適石虎暴死南路梗塞有志不
遂時沙門釋道安建刹於太行常山一面盡
敬以為真吾師也初聞安師誦般若經豁然
開悟歎曰九流異議皆糠粃耳批音比遂與
母弟慧持投簪受業精思諷誦以夜續晝因

求直道塲沙門曇翼此自是北人非每給燈
燭之費安師聞之曰道士誠知人師神明英
越志與理冥至二十四大善講貫有客聞說
實相義往復問難彌增翹昧師為引莊子之
說以相比類惑者釋然安師因許令不廢外
典常臨衆歎曰使道流東國者其在遠乎後

是

二

隨安師南遊襄陽值秦將苻丕為寇乃分張
徒屬各隨所往者德臨岐皆蒙誨益唯師不
聞一言即跪請曰獨無訓勅懼非人類安師
曰如汝者復何所慮師乃與弟子數十人南
適荊州居上明寺念舊與同門慧永約結屋
於羅浮太元六年晉書至尋陽見廬山開曠

可以息心乃立精舍以去水猶遠舉杖扣地
曰若此可居當使朽壤抽泉言畢清沆涌出
尋陽亢旱師詣池側讀海龍王經忽有神蛇
從池而出須臾大雨歲竟有秋因名龍泉精
舍永師先居廬山西林欲邀同止而師學侶
寢泉永乃謂刺史栢伊曰遠公方當弘道而

貧道所棲隘不可處時師夢山神告曰此山
足可棲神願毋它往其夕大雨雷震語旦林
麓廣闊素沙布地概拂文梓充布地上不知
所自至伊大敬感乃為建刹名其殿曰神還
以在永師舍東故號東林時太元十一年也
此山舊形九疊峻偉天絕而所居盡林壑之

雙背負錫峯旁帶瀑布清瀉環階白雲生植
廬山記區松先生曰周之際安道於山人即
名成林人并神仙之序因名廬山焉陽記山
高三千三百六十丈周二百五十里其山九
疊川亦九溪郡國志亞障九疊山也山九
別營禪室最居靜深凡在瞻履神清氣肅師
聞天竺佛影是佛昔化妻龍瑞迹欣感于懷
後因邪舍律士叙述光相乃背山臨流營築

三

三

龍室淡采高寫望如烟霧復製玉銘刻于石
江州太守孟懷玉別駕王喬之常侍張野晉
安太守殷隱黃門毛修之主簿殷尉參軍王
穆夜孝廉范悅之隱士宗炳等咸賦銘贊觀
其先是尋陽陶侃刺廣州漁人見海中有神
光網之得金像文殊誌云阿育王所造後商

永樂北藏

佛祖統紀

第二〇〇冊

人於海東獲一圓光持以就像若孤邊然佩
以送武昌寒溪主僧僧珍常性夏口夜夢寺
火而此像室獨有神護馳還寺果焚像室杲
存及侃移督江州迎像將還至舟而溺荆楚
為之謠曰陶惟劔雄像以神標雲翔泥宿邀
何遙遙可以誠至難以力招及寺成師至江

上度持之像忽浮出遂迎至神運殿造重閣
以奉之因製文殊瑞像讚嘗謂諸教三昧其
名甚眾功高易進念佛為先既而誼律息心
之士絕塵清信之賓不期而至者慧永安公
先居慧持遠師道生曇順僧寂曇
恒道曷雲誦道敬門人佛狀邪舍
明覺

目佛狀跋陀羅此云覺賢地名儒劉程之
氏張野周續之張詮宗炳雷次宗等結社念
佛世號十八賢復率眾至百二十三人同修
淨土之業造西方三聖像連齋立誓令劉道
民著發願文而王喬之等復為念佛三昧詩
以見志師神貌嚴肅瞻仰者則心戰沙門有
持如意致獻者不敢陳白竊開座隅而去法
師慧義強正少可謂師弟子慧寶曰諸君膚
淺故於遠公望風推服嘗至山住師譚法華
欲致難輒內悻流汗出謂慧寶曰此公言貌
誠可敬服殷仲堪任荊州入山晨敬與師俱
臨吐澗松下共談易道終日忘倦仲堪歎曰

師智識此七深明實難庶幾師亦曰君之才辯如此流泉後人名其要司徒王誼護軍王默並欽慕風德遂致敬禮王誼有書往來盧循據江州入山詣師師少與循父遐同為書生及見循歡然道舊其徒諫曰循為國寇得不為人殺師曰我佛法中情無取舍識者自能察之此何

足懼及宋武進討循設帳桑尾左右曰遠公素王廬山與循交厚宋武曰遠公世表之人何可殺也乃遣使馳書遺以錢帛有行者來侍師善驅蛇蛇為盡去因號辟蛇行者有一虎往來時見行迹未嘗傷人人號遊山虎師與社衆每遊越上方峯頂患去水遠它日有

虎跑其石水為之出因號虎跑泉又於一峯製涅槃疏因名擲筆峯初是大教流行江東經卷未備禪法無聞律藏多闕師乃令弟子法淨法領等遠越葱嶺曠歲來還皆獲梵本昔安公在關中請曇摩難提出阿毘曇心其人未善晉言頗多疑滯後僧伽提婆至即請重譯及三法度論於是二論乃興師即製序以貽學者聞鳩摩羅什入關遺書通好什答書曰傳譯來貺粗聞風德經言市代東方有護法菩薩欽哉仁者善弘其道曇摩流支入秦師遣弟子曇邕請於關中出十誦律派傳晉國西土諸僧咸稱漢地有大乘開士每東

永樂北藏

佛祖統紀

第二〇〇冊

嚮致禮獻心廬岳及佛狀跋陀羅至師即請
出禪穀諸經於是禪戒經典出自廬山幾至
百卷先是此土未有泥洹常住之說但言壽
命長遠師曰佛是至極至極則無變無變之
理豈有窮邪乃著法性論十四篇羅什見而
歎曰邊方未見經便闇與理合秦主欽風以

大智度論新譯致書求序師以其文繁廣乃
抄其要為二十卷而為之序羅什譯相玄
征殷仲堪要師出虎溪稱疾不往玄將入山
左右曰昔殷仲堪禮敬於遠請公勿屈玄曰
仲堪死人耳及玄見師不覺屈膝所懷問難
不復敢發及語至征討師即不荅玄後以震

主之威勸令登仕師正辭以荅玄不能強既
而欲沙汰衆僧下教僚屬曰沙門之徒有能
申述經誥禁行修整者始可以宣寄大化其
有違於此者悉當罷黜唯廬山道德所居不
在搜簡之列師因致書廣立條制玄悉從之
初度水輔政以沙門應敬王者何充奏不應

禮及玄在姑熟復申冰議師荅書曰袈裟非
朝宗之服鉢盂非廊廟之器塵外之容不應
致敬三者乃著沙門不敬王者論五篇一明
在家者有天屬之愛奉主之禮二明出家以
求志變俗以達道豈得與世典同其禮敬三
明求宗不順化宗謂泥洹不變以化盡為宅

冥神絕境謂之泥洹而不隨順於生生造化
流動無窮之境斯所以不事王侯高尚其事
豈復有所禮敬者哉四明體極不兼應謂歷
代君王體極之主但務方內而不可並御於
方外故曰不兼應天地之道功蓋於運化帝
王之循理極於順通與夫獨絕之教不變之
宗優劣明矣若夫如來之道則無所不應矣
五明形盡神不滅謂火之傳於薪猶神之傳
於形火之傳異薪猶神之傳異形方生方死
往來無窮但悟徹者反本成道者逐物耳有
頃玄冥位即下書曰佛法宏深所未能了初

永樂北藏

佛祖統紀

推奉主之情故令興敬今事既在已宜盡謙
光諸道人勿復致禮也桓玄西奔安帝自江
陵還京師輔國何无忌勸師侯迎師稱疾不
行帝遣使勞問師上書謝病帝復下詔慰答
師嘗請養服經當是北記小記雷次宗宗炳
等並執卷承旨次宗後著義疏首稱雷氏宗
炳寄書責之曰昔與足下面受於釋和上今
便稱雷氏邪陸德明名時音義云周顒之與
此類釋惠要志山中無刻漏乃於水上立十
二葉芙蓉因波隨轉分定晝夜以為行道之
節謂之蓮華漏僧激善篇續嘗至山南攀松
而嘯和風遠集衆鳥悲鳴超然有自得之趣

退諮於師曰律禁管絃歌舞若一吟一嘆可得為乎師曰苟以亂意皆為非法激喻而止師居山三十年迹不入俗唯以淨土克勤予念初十一年澄心繫想三觀聖相沈厚不言後十九年七月晦夕於般若臺之東龕方從定起見阿彌陀佛身滿虛空圓光之中有諸化佛觀音勢至左右侍立又見水流光明分十四支流注上下演說苦空無常無我之音佛告之曰我以本願力故來安慰汝汝後七日當生我國又見佛猷邪舍慧持義熙八年在佛之側前揖師曰師志在先何來之暇師誦法淨惠寶曰吾

始居此十一年中三見佛相今復見之吾生淨土必矣又曰七日之期斯為漸矣即寢疾製遺誠曰吾昔以知命之年託業此山自審有必盡之期便欲絕迹外緣以求其志良由性弱於斷遂令同趣相引時賢過眷情以類感不覺形與運類今年己八十三矣仰尋遠昆七離之誨俯慨自負之心徒令此生虛謝以悼往疾之深今於至時露骸松林之下即嶺為墳與土木同狀此乃古人之禮汝等勿違苟神理不昧庶違其誠大氣世尊亦當祐之以道門徒弭慙若喪父母師以世情難割乃割七日展哀至期始順寂即義熙十二年八月

六日也弟子不忍露屍與尋陽太守阮侃表
全軀舉葬于西嶺累石為塔謝靈運立碑以
銘遺德張野作序自稱門人宗炳復立碑于
寺門以表德業師將終者德請以豉酒治病
師曰律無通文請飲米汁師曰日過中矣又
請飲蜜和水乃令披律尋文卷未半而終所
著經論諸序銘贊詩記几十卷號廬山集在趙自佛苗澄道安師遠法師雲順僧叡五
世為國師云唐宣宗大中二年追謚辯覺大
師昇元三年追謚正覺唐高祖天祐四年也
大宋太宗太平興國三年追謚圓悟大師寂之塔

法師善導不知何處人唐太宗正觀中見西
河綽禪師九品道場誦觀經大喜曰此真
入佛之津要修餘行業迂僻難成唯此觀門
速超生死於是勤篤精苦晝夜禮誦續至京
師擊鼓四部每入室互跪念佛非力竭不休
雖時寒水亦須流汗出則為人演說淨土法
門三十餘年不暫睡卧般舟行道方等禮佛
護持戒品纖豪不犯好食送廚粗惡自奉乳
酪醍醐皆不經口凡有觀施用寫弥陀經十
萬卷盡淨土變相三百壁壞寺廢塔所至修
營然燈續明常年不絕三衣執鉢不使人持
行不共衆恐說世事長安道族傳授淨土法

永樂北藏

佛祖統紀

卷第二〇二册

門者不可勝數從其化者至有誦弥陀經十萬至五十萬卷者念佛日課萬聲至十萬聲者或得入念佛三昧往生淨土者莫能紀述或問念佛生淨土邪師曰如汝所念遂汝兩願乃自念一聲有一光明從其口出十至于百是亦如之其勸偈曰漸漸鷄皮鶴髮看看

昆七

行步龍鍾假饒金玉滿堂豈免衰殘老病任是千般快樂無常終是到來唯有徑路修行但念阿彌陀佛後忽謂人曰此身可厭吾將西歸乃登柳樹向西頭曰願佛接我菩薩助我令我不失正念得生安養言已投身自絕高宗知其念佛口出光明舍身精至賜號其

寺曰光明

慈雲淨土略傳阿弥陀佛化身至長安聞湜水聲曰可教念佛三年滿長安城皆念佛後有法照法師即善導和上也

法師承遠始學于成都唐公至荊州進學于玉泉真公真公授師以衡山俾為教魁人從

而化者萬計有弟子法照初居廬山由正定聚趣安樂國見蒙惡衣侍佛者佛曰衡山承遠也出而求之肖焉乃從而學傳教天下法照在代宗時為國師乃言其師有異德天子南駕而禮焉度其道不可徵乃名其居曰般舟道場用尊其位師始居山西南若石下人

遺之食則食不遺則食土泥茹草木其取衣類是南極海裔北自幽都來求厥道或值之崖谷羸形垢面躬負薪樵以為僕從而媒之乃師也凡化人立中道而教之權俾得以疾至故示專念書塗巷刻溪谷丕勤誘掖以援于下不求而道備不言而物成人皆負布帛

是

九

斲木石委之岩戶不拒不管祠宇既具至德宗朝申詔廢立是為弥陀寺正元十八年七月十九日終于寺壽九十一柳宗元為述碑刻于寺門

國師法照唐大歷二年止衡州雲峯寺慈忍戒定為時所宗嘗於僧堂食鉢中覩五色雲

中有梵剎當東北有山澗石門復有一寺金書其額曰大聖竹林寺它日復於鉢中見雲中數寺池臺樓觀萬菩薩衆雜處其中師以所見訪問知識有嘉延曇暉二僧曰聖神變化不可情惻若論山川面勢乃五臺耳四年師於郡之湖東寺開五會念佛當是五日感祥雲弥覆雲中樓閣觀阿弥陀佛及二菩薩身滿虛空有數梵僧執錫行道復見老人謂曰汝先發願於金色界禮觀大僧今何輒止師遂與同志遠詣五臺見寺南有光及隨至佛光寺一如鉢中所見東北五里果有大山山有澗澗北石門旁二青衣一稱善財一稱

難陀引師入門北行見金門接觀金榜頭曰
大聖竹林寺方二十里一百院皆有金地
寶塔華臺玉樹入講堂見文殊在西普賢在
東踞師子座為衆說法菩薩萬數共相圍繞
師於二菩薩前作禮問曰末代凡夫未審修
何法門文殊告曰諸修行門無如念佛阿彌
陀佛願力難思汝當繫念決取往生時二大
士同舒金臂以摩其頂與之記曰汝以念佛
力故畢竟證無上覺文殊復曰汝可往詣諸
菩薩院巡禮承教師歷請教授至七寶園復
回至大聖前作禮辭退向二青衣送至門外
師復作禮舉頭俱失後與五十僧往金剛窟

即無著見大聖處忽觀衆寶宮殿文殊普賢
及萬菩薩佛陀波利師方作禮舉首即失夜
於華嚴院見寺東岩壑有五枝燈師曰欲分
百銚既而如願復曰願分千燈數亦如之光
徧山谷又前詣金剛窟夜半見佛陀波利引
之入寺後復於華嚴院念二大士記我往生
乃一心念佛忽見波利謂之曰汝華臺已生
後三年華開矣汝見竹林諸寺何不使群生
共知之師因命匠刻石為畵於見處建竹林
寺既畢謂衆曰吾事畢矣數日別衆坐逝推
波利之言果三年也七年大經師於并州行五
會教化人念佛代宗於長安宮中常聞東北

方有念佛聲遣使尋之至于太原果見師勸
化之盛遂迎入林中教宮人念佛亦及五會
御子厚集南岳碑云
代宗時法然為國師
法師少康縉雲周氏母羅夢遊鼎湖羣有玉
女以青蓮華授之曰此華吉祥當生貴子及
生青光滿室作芙蓉香七歲未語相者奇之
母携至靈山寺指殿佛謂之曰汝敬佛不還
答曰我佛釋迦誰不為敬父母愈敬異遂舍
令出家年十五誦通法華楞嚴等五部尋往
會稽嘉祥學究律部後詣上元龍興聽華嚴
瑜伽諸論唐貞元年初洛下白馬寺見殿中
文籍故光探之乃善導和上西方化導文師

曰若於淨土有緣當更放光言已光復閃爍
師曰劫石可磨我願無易遂至長安光明寺
喜道和上影堂大陳薦獻倏見遺像升空而
謂之曰汝依吾教廣化有情它日功成必生安
養師聞佛音如有所證乃南適江陵路逢僧
曰汝欲化人當往新定州言訖而隱師既
是七
入郡人無識者乃乞錢誘小兒曰阿弥陀佛
是汝導師念佛一聲與汝一錢兒務錢者隨
聲念之月餘孩孺念佛覓錢者衆師乃曰能
念佛十聲者與一錢如此一年無少長貴賤
見師者皆稱阿弥陀佛念佛之聲盈滿道路
十年乃於烏龍山建淨土道場築壇三級集

永樂北藏

佛祖統紀

第二〇〇册

衆行道師每升_三言聲唱佛衆見一佛從口
而出連唱十聲見十佛師曰汝見佛者決
得往生時衆數千有不見者嗚呼自責愈加
精進二十一年十月三日囑累道族當於淨
土起忻樂心於闍浮提起厭離心汝曹此時
能見光明真我弟子遂放異光數道而逝郡
人爲建塔於臺岩漢乾祐三年天台韶國師
勸人重修其塔後人多指師爲後善導云
法師延壽字冲玄總角誦法華經五行俱下
六旬而畢吳越錢氏時爲稅務專知用官錢
買魚鰕放生事發當棄市吳越王使人視之
曰色變則斬不變則舍之已而色不變遂安

命因授四明翠岩禪師出家衣不繒纈食無
重味復往參韶國師發明心要嘗謂曰汝與
元師有緣它日當大作佛事惜吾不及見耳
初往天台智者岩九旬習定有烏尺鷃_{音畢}
糗粟于衣袂_{古得切}後於國清行法華懺夜
見神人持戟而入師訶之曰何得擅入對曰
久積淨業方到此中夜半遠像見普賢前蓮
華在手遂上智者岩作二闍_{音闍}一曰一
生禪定二曰誦經萬善莊嚴淨土乃冥心精
禱得誦經萬善闍乃至七度於是一意專修
淨業振錫金華天柱峯誦經三載祥觀中見
觀音以甘露灌其口遂獲辯才初演法於雪